





05294

許文穆公集卷之



燕山方從哲纂輯

瑯琊焦 茲校閱

見立言

立禮輯梓

詩

大祀 方丘應 制

律應蕤賓曉漏沈 瑤臺杳藹翠華臨 方劍不盡無疆

德黃玉先陳未薦心 帝祉萬年瞻泰運 咸池九奏

許文穆公集 卷六

洽靈襟秦封漢禪 何堪數願祝鴻仁 大地深

恭陪北郊禮成有紀

良辰屬朱明 祠官肅方澤 天子禮皇祇 羣工功精

白景風應幽 鍾高燎揚廣陌 上公秉黃琮 太史奉素

冊 六變樂初成 萬靈馨具格 熙朝重殷典 微臣叨

服役趨蹌從 黜牲舞蹈依 紆席始侍空 桑鳴終裸白

茅藉展采借 有司齊心保 無斃資生荷 弘載美報感

疇昔虞類合 圜丘周禋分 泰圻今古殊 儀文虔恭自

朝夕汾陰空 樓船雍疇已 陳迹納履下 紫壇稅冕蔭

蒼栢賦擬獻甘泉 才應慚執戟



代 御製勸農歌

四民皆天職嗟農獨苦辛所以古哲王巡省及茲辰  
簫鼓吹豳詩訓迪良諄諄東郊土脉動好鳥鳴芳春  
桑園拂其羽催耕一何煩乘時播嘉種原隰何勻勻  
念茲民所天珠玉安足珍一日苟不作饑寒將立臻  
勿惜沾體勞但憂年歲屯沾體勞尚可歲屯傷我民  
憶昔 先皇時端居軫郊闡載賡閭農咏丕揚 烈  
祖仁禁苑籍千畝雨暘零百神王食豈不足貴令四  
海均 九重高結念况爾謀其身古人有良言歲計  
在於寅豈伊公家賦婦子亦相親春風正發育萬物  
許文穆公集 卷六 二

皆鮮新勉以東作力佇見西成禮

大閱應 制

鑾輿宵駕鳳凰城羽仗晨臨虎豹營閃日旌旗通御  
氣殷雷笳鼓雜春聲千夫盡是幽并俠七萃俱傳衛  
霍名喋躐銀鞍大宛馬陸離金甲曼胡纓屯來雲鳥  
渾爲陣練後林猿總識兵隊隊穿楊呈技絕雙雙超  
乘鬪身輕比庭咫尺降封豕南海須臾斬巨鯨又見  
軒車馳涿野豈如漢艦集昆明椎牛競奏軍中樂飲  
馬誰歌塞上行全勝古來惟不戰願敷文德洽昇平

慈寧宮產瑞蓮應 制

爍爍益蓮瑞氣浮蓮房中更起重樓花神似獻 蕊  
闡壽湧出金仙太乙舟

又

金蓮原自出仙家况復歲筵吐異葩共道 今皇是  
虞舜故將重蓋應重華

高山流水 以下五首俱應制

光華瞻日月諷詠託絲桐列嶂清溪合懸泉碧樹通  
壤邊忘帝力弦上穆皇風和曲從來寡知音不易逢  
峩峩情自遠浩浩思何窮願借南薰便高飄達 聖  
聰

許文穆公集

卷六

三

古松群鶴

古幹寒仍秀仙姿迥不群玄裳灑蒼雪丹頂照彤雲  
跂立窺霄漢軒騰絕垢氛素心三鳥在清響九天聞  
渴飲金芝露歸遺玉柱文幸陪鵷鷺侶長奉 聖明  
君

杏花春燕

常隨春社至偏向上林飛亂掠輕紅過頻穿積翠圍  
芹泥堪采掇花雨正霏微幸得巢金屋毋令點玉衣  
雕梁時自語綺石靜相依披對思瓊苑當年 賜宴  
歸



花石雙貓

珍異今無畜恬嬉爾自任方春閒御苑長日傍花陰  
石几卑疑伏霜毛怒並森依人情似媚託社勢將擒  
殊技留莊策幽音入孔琴魚餐與氈坐應識 主人  
心

玄兔

上林休羽獵內府啟瑤編黠素綃裡爰爰丹展前  
乍披疑 御覽允視介 皇年巧豈騰山得祥應舞  
鎬傳玉衡台綽約金龜影嬋娟淺草秋烟淡低枝夕  
露偏桂宮侵月白藥杵染霜玄食有千齡杞圖徵

許文穆公集

卷六

四

萬壽詮濡毫生色動拂練瑞光鮮願奉周南化長歌  
置兔篇

次調 長陵韻

當年 宸蹕開荒甸此地玄宮闕朔天自起寢園臨  
大漠長留弓劍鎮全燕水引萬靈朝日夜山橫千嶂  
隔烽烟只今 陵後親巡地 三駕餘威尙赫然

次調 景陵韻

宜宗黃屋閉青山十載雍熙想像間 睿藻向來金  
匱秘 宸遊長罷玉泉閒蒼林迴合春流斷紫霧冥  
濛晝殿關始信霸陵留儉德試看塔土點苔班

次調 永陵韻

佳城鬱起七陵東松檜新培輦路同王氣直疑通郢  
上白雲猶似出封中地分珠嶺蟠靈迥天抱驪宮構  
勢雄悵望青霄龍不返小臣空自泣遺弓

次陳春宇上 陵韻

載筆辭清禁聯鑣出近關寢園修歲事車馬半朝班  
萬木斜陽外諸陵積翠間鼎湖弓劍在髯墮不能  
攀

次遊碧雲寺韻

幾年陪禁直今日復山行暫謝鷓鴣侶重尋泉石盟

許文穆公集

卷六

五

廻峯堪駐馬深樹不聞鶯頓覺塵襟豁琳宮接太清

其二

坐愛桃花水偏依祗樹林烟霞供客興泉石照禪心  
帝苑餘春色人家半夕陰曠然天地外高眺遠山沈  
上陵

曉禁分朝列春郊憐客心雨衝官道阻雲望帝陵  
深劍舄猶天地鶯花自古今年年寒食節淚滿侍臣  
襟

恭調 康陵有述

石路通山遠環城倚碧峯深林藏虎豹古木偃虬龍



紫殿青霄迥重門細草封瑤臺明月夜何處響山鐘  
憇張荆山山房

一榻深雲裏空亭萬木疎門開青嶂合月上碧簾虛  
幽鳥啼仙木童兒摘野蔬秋風何處起落葉滿山渠

送陳春宇太史 冊封魯藩

歌罷皇華不可留都門樽酒結綢繆身持玉節觀周  
樂 詔發金函拜魯侯泰嶽雲生滄海色孤檣星湧  
大河流千秋講業遺風在君去何如司馬遊

詩成又云榮岷二府非魯府也再賦

君去王程在故鄉赤車將命倍輝光過家長吏先除

許文穆公集

卷六

六

道受簡諸侯盡獻觴路夾桃陰迷洞口雲開山色見  
衡陽誰知司馬南遊後更有風流玉署郎

送陳太史 冊封岷藩

出關初建節立馬暫銜卮北望懸雙闕南窺盡九疑  
衡山今若礪漢水昔爲池槎汎星河入郊迎弩矢馳  
列侯王子表神女侍臣詞湘竹留餘色沅蘭結楚思  
聽歌來里巷醜酒奉庭帷遲旭輶邊得薰風絃上知  
板輿間賦處宮錦晝遊時莫滯家園樂王程自有期  
送少司成王君之金陵

兩度雲霄上計書鳳池虎觀果誰如正逢載筆抽金

賈何事傳經下玉除舊日交遊三舍在故都文雅六朝餘吳江楓落秦淮月想見高談擁翠裾

又

豈厭承明舊直廬才名當日起公車青編就草留金匱絳幄傳經下石渠客思正懸吳苑夢主恩容著秣陵書亦知綸閣還虛席莫以江鄉久索居

通山令柯君移教南陽賦贈

使君爲邑似文翁明詔傳經涓水東桃李在門官不冷圖書滿座道非窮卧龍岡近春城雨吻鱸堂開曉帳風誰謂吏情君未諳漢庭興學首論功

許文穆公集

卷六

七

同館陳太巖謫遷送別

津亭欲暮解行舟風盡長河天際流吳會雲飄孤客思長安日遠逐臣愁高才賈誼空垂涕多病相如故倦遊此去著書能自見何時宣室定相求

又

薊門春樹藹停雲春鳥嚶嚶袂忍分清禁疎鐘朝載筆高齋寒月夜論文悲絃欲向唫邊絕迴雁那堪別後聞想到江南梅可折年年梅發倍思君

送嚴都諫請告歸省

聖朝無闕諫書稀尺素陳情願不違深禁暫辭青瑣



直故鄉遙指白雲歸雪添河水隨輕舫花滿湖山侍  
綵衣想到錢塘春酒熟觀濤應得奉庭闈  
宛陵趙丈以汶博復除仁和

著書聊復乞錢塘望裏雲山卽故鄉濤白海門鰲自  
鈞天青江閣鶴初翔篋中賸貯新裁賦汶上重過舊  
講堂爲道 今皇嚮儒術會開金馬待東方

卧病送郡錄汝南胡先生之任

燕郊柳色迥含情新捧除書出 帝城桑梓幾年勞  
夢到壺觴今日送君行一春花鳥驅車過繞署溪山  
入幕清想見郡樓堪坐嘯汝南孟博久知名

許文穆公集

卷六

八

余挽虛丈之豐城丞余起儒家兼精醫術贈此

蚤歲詞場已擅名更從方伎學長生益將絳帳橫經  
老聊爲丹砂乞縣行壯志不隨華髮改仙姿自覺吏  
情輕石函久散雙龍氣君到還應傍斗明

司寇毛公歸江上

代作

中朝耆舊未應閒 明詔優勞賜杖還宦跡天涯看  
白首 主恩江上借青山名高北斗懸秋署傳擁春  
風出漢關屬吏自啣知遇切清塵瞻望迥難攀

陳大理玉叔出守淮陰

公車當日滿豪英美爾橫金早擅名千里分麾虞牧

伯幾年執法漢廷平風沙晝慘淮陰市灌莽春深海  
上城行矣撫綏 明主意下車先合問蒼生  
送陳太史玉壘扶侍還蜀

休沐初蒙 聖主恩安車萬里奉晨昏啼猿尙憶巴  
西路匹馬先辭薊北門兩傳賢聲當世重諸宰相業  
一經存斑衣想見承歡處綠野新開獨樂園

送黃別駕之靖州

秋風一劍下燕臺萬里南遊亦壯哉湘外驚心飛雁  
盡黔中到日瘴雲開孤城罷戍駟椎結遠徼行春變  
草萊不向深溪聽吹簫誰知別駕自雄才

許文穆公集

卷六

九

送大鄣余丈之任內黃

麗水初分墨綬東疏移俄就右扶風郎依紫極星偏  
應地抱黃圖天故雄王程御苑蟬聲外官舍漳河柳  
色中共道 君恩還禁闈且從三輔試成功

列侯盱山公還金陵

鍾山甲第倚雲高歸去樓船擁節旄門下指揮三署  
士樽前談笑五陵豪天迴龍虎盤宮闕地坼江淮控  
轉漕不獨舊京須保障更看盟府績勲勞

慶源潘明府自舞陽移詔安

花縣有潘郎河陽是舞陽移官仍墨綬分部得清漳



真氣臨關紫鬢煙接海黃莫言山水解聊作著書鄉

又

漲海浮應穩甌夷陋可居世途今尚爾吾道信何如  
嘯月清袍鼓觀濤了簿書漳臺尸祝在臨眺一躊躇

李二丈出叅留都中間扶持太夫人南還

燕山鴻雁楚江雲南北移官總羨君出入黃扉稱介  
第指揮白羽佐中軍潘輿不爲閒居賦萊彩新從禁  
寓分亦念重霄懸慕切晨昏莫惜驛書聞

送李諫議南還

浮雲世事豈堪論萬死憐君叩 帝闈抗疏自爲宗

許文穆公集

卷六

十

社計生還仍荷 聖明恩風霜半改憂時鬢烽火偏  
驚去國魂誰念滄陽城上月夜隨飛夢到金門

送詹侍御歸閩

抗疏應吾分清時可自沉言將史魚直憂更賈生深  
去國猶今日回天獨此心艱難兼遠別悵望意何任

又

綠鬢能憂國丹心耿不渝如能除敝政敢以惜微軀  
落日千門遠秋風一劍孤生還 明主意行矣莫躊

蹶

屏峯張先生由國學轉中曹

凍江蒲葉未勝鞭報政誰寬卧那年十載風塵雙綠  
鬢一官南北總青氊張衡詞賦傳京邑趙過聲名起  
代田莫以爲郎嘆遲暮明光視草 王恩偏

賦得麗澤書院贈余先生司訓金華

梅溪溪上讀書臺曾擁名賢講幄開一代文章高北  
斗至今花鳥識東萊雲蒸石氣春多雨風送灘聲晝  
起雷誰解溪流自相麗孤舟君溯紫陽來

少司成屏麓年丈之金陵

太史南遊興故豪橫經况復領時髦橋門清亦疑廷  
尉官署閒仍舊馬曹

初在廷許  
遷南門丞

紫氣晴添鍾阜色彩

許文穆公集

卷六

十一

毫秋捲大江濤知君回首雲霄近贈別無勞解佩刀

寄題歐文學首菴齋

廣文官舍故蕭騷首菴闌干海日高帳後可能容女  
樂門前一任滿蓬蒿唳招叢桂山中侶卧對秋風海  
上濤僅有俸錢堪自給五陵裘馬爲誰豪

送江近山南還

昔年與君何處游曲塢春花小閣幽今年與君何處  
別旅舍秋風吹落葉人生聚散那可期葉自飄零花  
自飛一回相見一回老百年能得幾時好管鮑交情  
世有無全交要在心相孚心疑頓起一方怨山海干



重隔座隅君不見道旁伏謁車中嗔布衣往往能騎  
人三千門下爭彈鋏食客誰言薛邑貧請君棄置勿  
復道有酒與君且傾倒薊門秋迥雁南翔朔漠風塵  
異故鄉君隨南雁且歸去遲我黃山丹竈旁

送潘少逸南還

曾聞虛左禮侯生長揖看君匹馬輕薊北清秋彈鋏  
思江南白首倚闔情雨荒舊徑菊花在日夕衡門穉  
子迎國士由來知已重更將肝膽向誰傾

送喬中翰水心還雲間

子雲疲執戟自有草玄廬莫以尊羹故空令筆橐疎  
許文穆公集 卷一

江清雲樹遠霜落塞鴻初亦念金門迥塵生鳳閣書  
送行口占

高槐蔭廣庭亂雀恣喧聒獨坐對垂簾幽懷誰與豁  
又

樽酒故人別車馬何匆匆朝發燕臺月夕歌易水風  
送王生維材南上

仲寶棟梁氣微材集舊邦法門吾不二國士爾無雙  
炬檠分夜席匹馬渡秋江莫謂纒羈貫終童已建幢  
送塾師宋仲仁

馮君彈鋏去豈爲食無魚絳帳夜飛夢青山人倚闔

書留練裊在琴掩綺窓虛莫以絲麻故都忘管蒯初  
寄暘谷李山人

結屋雲隈深復深幽懷長對薜蘿陰江清石瀨堪垂  
釣月滿山溪獨抱琴湖海有情還縱飲乾坤何處不  
高吟天涯甚日重相見醉倚春風話此心

贈族兄

寶馬縵胡纓翩翩西北征自言良家子仗劍遊燕京  
丈夫志四海耻爲兒女情燕京多通侯云是鼓刀人  
一朝備行伍橫金列要津冠蓋何翕赫甲第連青雲  
上結 明主知下冠卿子軍顧子遠行役豈不辭苦  
許文穆公集 卷六 十三

辛結髮受素書願將獻 明廷炎海紛羽檄東臨方  
戰爭 廟廊有勝筭統袴無高勳出門不一顧立馬  
野屏營伊吾可鳴劍南粵誰請纓左彎抱明月右發  
如流星功成報 天子寧爲負平生揮鞭從此去儻  
得酬素心

庚午生日和答友人兼示兒輩二首

休沐逢初度吾生四十強炎風親羽扇溽暑澁牙璋  
載筆慚清禁開樽憶故鄉祗應與朋好耕牧政山陽  
爾壯能當戶吾衰只備員多慚犬馬齒欲廢蓼莪篇  
鐘金嗟何及蓬桑意惘然雙汗久道曠心折舞衣前



竹溪篇爲溧陽鍾年伯雙壽

有引

往余道溧陽邑綰都會地稱陸海民多素封其富  
鉅者則擊鐘鼎食家僮千指歌吹日爲壽俗故豪  
奢乃有竹溪翁者不事家人生產獨手一編竹溪  
之上竟日吟玩雅善章草興至揮灑淋漓自適所  
居環堵蓬蒿滿庭屢空晏如至其急人之困往往  
傾囊赴之配高孺人相以儉勤布袍借隱卽古梁  
孟何以加焉子井陘君能讀父書愆所未究自致  
青雲之上著聲清白最績循良將來顯榮沛乎未  
艾翁少高孺人一歲會俱六十徵言稱觴南望遐  
祝余與井陘君同舉於鄉有昆弟之義爲賦此篇  
因以風翁鄉人明士之所爲凌厲霄垠者在此不  
在彼也

君不見豪家金谷園千葩萬卉趨芳天翠屏雙倚錦  
筵敞斗酒十千羞萬錢歌歌艷舞歡不極步障曲房  
春可憐自言行樂長如此寧知菱謝隨流水隱君愛  
竹兼愛溪獨向溪邊竹裏棲聲飄寒吹流雲和色濯  
滄波宿靄低數竿赤暑時孤往一卷玄經手自携興  
來長嘯俯空碧輒向苔磯觀鳥跡採籜成編編向青  
灑墨臨溪溪半黑門前冠蓋一何多溪上誰能看竹



過紅塵四合歌鐘起知向豪家醉綺羅躬耕亦有鹿  
門耦灌竹浣溪同白首布袍蔬食不厭貧急人且罄  
囊中有竹嶼何年長鳳毛琅玕琢盡思雲霄一飛下  
集鑿臺樹五采炳煥聲簫韶銜書遠寄金陵道爲報  
溪邊春色好釀溪爲酒祝長春六十年來此借老木  
蘭之柘沙棠舟歲暮天寒溪水頭請看金谷豪華盡  
竹自青青溪自流

張給諫父母貽封

才名青瑣重 恩命紫泥新  
壟樹忽生色庭萱長白

春哀榮 皇眷切優渥  
子情伸終始成親意雲霄報

許文穆公集

卷六

十五

王身

某氏世醫以所幕封

昔受長桑術今叅細柳營  
瘡痍應自起謀畧爾兼聞  
世業存孤劍天書下五雲  
倉公徒絕技未策漢庭勲  
調同館李元實繼昏十絕

瀛水原通牛女津鸞驂不待鵲橋辰  
莫嫌偃蹇乘龍客好是龍頭第二人

此去仙源路果賒麻姑何得降君家  
波凌素襪三千里洛浦飛仙敢向誇

驪馬朝回導程車揚揚高蓋擁通衢  
車中娣姒窺簾



語莫是東齊晏大夫

別館長楊裊裊垂薰風  
紈扇正當時水晶半捲琅玕  
潤幾度催妝幾度詩

芙蓉繡幕隱鸞凰  
金屋佳人玉署郎  
將去洞簫分月色  
著來宮錦帶天香

銀燭金屏向晚開  
高堂親侍板輿來  
含顰半掩雙蛾  
出鞠脰同稱萬壽杯

花滿瓊逾月滿輪  
玉堂今夕可憐春  
亦知宴爾歡無  
極莫道新人勝舊人

織手新裁雲錦奇  
意中長短試偏宜  
着來爭美天孫  
許文穆公集

卷六

十六

巧壁下殘機有斷絲

黃金臺迥月華孤  
向月吹簫鳳有無  
信是眼前雙倚  
玉莫忘掌上遺珠

錦帳流蘇掩洞房  
向來侍女夜添香  
只今王母親開  
宴可許雙成近瑟傍

陳春宇館素馨花

朝回別館散幽襟  
陰罷清尊對素馨  
亂葉離離交翠  
羽繁花細細簇黃金  
風牕半入芝蘭氣  
露檻全傾葵  
藿心會剪蓬蒿開  
一徑幸分半握小墻陰

同館夜集王太史宅賞芍藥次陳春宇韻



太史家園春未闌自公多暇共追歡却憐遶座花如玉始信同心味似蘭東省晝翻瑤砌近西施暮濯錦江寒醉中老眼燈前態莫作清平調上看

又

長夏風塵並玉珂開尊遙憶舊松蘿花前但覺幽情愜醉後其如狂態多燭散穠陰交座滿酒蒸芳氣拂筵過吾徒不是高陽侶爲惜韶華一放歌

月夜集余太史宅觀白芍藥

水姿綽約照人寒錦席淹留盡客歡上苑名花春後得美人遙夜月中看高歌脫帽狂呼酒半醉移燈數倚欄明日還來可乘興莫教風露暗摧殘  
神兼姑射態兼湘雙玉亭亭倚夕陽不爲緇塵移素質更教明月助新妝一庭清露疑無色四座微風覺有香翻向瑤階應得句絕勝紅藥省中郎

夏夜偕同館張以敬周以方陳惟錫沈子靜成君迪讌集孫宮諭宅時張周二君使楚且行孫丈出其同郡鄭圃倡和之作見示因次其韻

公餘高會荷清時長夏開軒晚更宜家有名園供綺席人如仙苑對瓊枝風流敢謂追先達觴咏何堪別所知暫聚無勞占太史雙星明向楚江湄



又

朝回載酒郊關外，結客尋春鄭圃賒。幽賞未緣分筆札，高吟猶自足鶯花。賸酬故里多名士，文雅中朝獨世家。車馬卽喧心亦遠，地偏何處不烟霞。

余太史席上咏菊月

良夜開芳宴，燒燈對菊叢。影斜三逕月，香散一簾風。仙掌露華近，故園秋色同。酒闌餘興在，清夢落籬東。

又

遶席花三匝，窺簾月半痕。芳香凌酒氣，清冷逼詩魂。暎坐人如玉，浮餐秋滿尊。中宵飛蓋集，莫擬是西園。

許文穆公集

卷六

十八

晚秋對菊同陳廷尉楊儀部集李秀巖白雪山房

二首

置酒虛堂夕，追遊四海親。寒花尚秋色，高調且陽春。賸有尋幽興，偏宜送酒人。深期拚一醉，莫問漏聲頻。西第軒楹敞，黃花晚正多人。俱物外客，詞復郢中歌。不學淵明飲，其如秋色何。看君多逸趣，應許重來過。重陽後一日飲陳五岳宅分得開字

九月九日風雨惡，今宵下榻正。花開尋幽不減陶潛興，弔古還登郭隗臺。露綴金莖秋色冷，風高紫塞鴈聲哀。相看總是天涯客，取醉消愁有幾回。

雪夜飲楊雲浦客部宅分得遊字

仙吏有清暇招邀總舊遊  
瑤華當座滿陰靄傍簷浮  
風急催宮漏鴻哀迷戍樓  
翻憐此景絕永夜故淹留  
諸丈夜集得同字

高城日已暮搖落起秋風  
追歡惟故侶對菊尙寒叢  
月夜聞悲角霜天下塞鴻  
相逢不盡醉孤負賞心同  
野眺

並馬出城隈蒼茫野色開  
茁花隨地有山鳥向人來  
曲徑通雲塢廻溪滿綠苔  
群峯亂烟樹何處是蓬萊  
大慧寺假山

許文穆公集

卷六

十九

載酒招提境環山蘿薜陰  
溪邊烟樹合洞口暮雲深  
僻徑稀人跡春風只梵音  
平生耽險絕殊不厭招尋  
登真覺寺塔

寶塔千尋迥凌空眺望晴  
開平野樹遠見赤城霞  
迥迤青山暮峻嶒石磴斜  
塵緣那可息縹緲憶天花  
城隅竹園

探奇興不絕落日更名園  
問竹穿蘿徑臨風坐水軒  
鼎中烹細笋花下倒清尊  
何事樊籠客朝朝車馬喧  
元日試筆得春字

元朔鳴珂散紫宸九衢雪霽  
歲華新虛窓忽見梅花



發綠酒何辭栢葉頻眺望蓬萊雲樹晚徘徊金闕漢  
宮春抽毫一試驚雙鬢題在無能愧此身

九日

惜陰方閉閣應節強依臺地迥雲霄近天清鴻鴈來  
囊萸傳漢殿採菊罷陶杯徒負登高意慚非作賦才  
又

玉樹秋容淡黃花應節開他鄉烏帽客內殿紫萸杯  
水落河魚蟄烽消塞鴈來高登傳往事作賦愧非才  
九日

年來重九日不見故園花况復朋知隔其如客思選

許文穆公集

卷六

二十

秋光疎草木朔氣慘風沙美爾南征鴈迢迢獨向家  
喜晴

歲華看欲暮禁苑喜新晴雨過圖書潤風傳劍佩清  
空亭山翠入寒沼水紋生此日墮堪負真懷獻 主  
情

喬木甘棠卷題贈東園朱中丞

周召昔分治旬宣自陝中二南留聖化四國洽王風  
有美明時佐于嗟異代同絳騶方薊北繡幃復江東  
朔雪隨馳馬吳雲擁畫熊按章三輔動王氣兩都雄  
坐見煙塵掃還深邑里桐桑麻一水盡村柚萬家空

上意憐溝壑循行錯鉅公無論偃枹鼓所冀羸癯瘡  
旱甚思霖雨春回發斷蓬漢江流惠澤蔽蒂想遺功  
道出陵陽郡重逢竹馬童新謠堪採貢舊國是岐豐  
爲李寧遠題所藏呂祖圖

邯鄲客舍塵夢足一枕黃梁炊未熟淡黃襴衫烏角  
巾脩髯廣穎人如玉咸通之中曾射策雲房邂逅傳  
丹訣願言混世遊人間掃蕩妖魔三尺鐵坐依盤石  
蔭長松知在蓬山第幾重黃鶴九霄驟日月青天一  
片開芙蓉浪跡風塵弄雲水紛紛幻化傳人耳有時  
吹篷起滄浪有時賣藥來城市朱門繡戶狎侯王酒  
樓茶肆伴清狂對面誰知回道士舉頭空望呂純陽  
鑿閭山高遠水濶昔年華表空歸鶴虎帥依稀是後  
身龍泉拂拭猶新鏹只今四海淨烟氛閒坐青山玩  
白雲匣中飛劍無勞佩邊廷爲有李將軍

題章給諫雙壽承恩卷

白頭自耦鹿門耕有子青雲起令名佐理棠陰留鄴  
郡匡時疏草滿承明天書並借庭闈色人瑞爭傳  
里閭聲海上未須求大藥君恩不朽是長生

題錫山顧翁重封雙壽卷

梁鴻長者重吳鄉市隱相携得孟光白首同歸高士



傳紫泥偏映萬年觴花明曲巷安車並泉釀名山春  
酒香不有仙郎題漢柱空令借老薜蘿裳

題傅侍御母劉節孝卷

帷空堪夜永花落任春徂腸斷千行淚身依五月孤  
侍御生五月而孤 繡衣供舞稱華長被 恩殊想見霜臺栢

應巢反哺烏

爲鍾侍御題金臺遙祝卷次李滄溟韻

一從游宦去庭闈幾度看雲對夕暉臺栢正堪浮壽  
酒塞霜誰爲授縫衣稱觴勝日偏情動問寢中宵有  
夢飛莫向承華羨青鳥高堂黃髮世稀微

許文穆公集

卷六

廿二

又

觀風海岱迥澄清攬轡遲回五鳳城天北星辰排闥  
氣日南烟樹倚門情簡書自切明時畏花諾真貽壽  
母名知是懷歸歸未得臺端夜夜哺烏聲

題蔣職方榮封卷

吳地桑麻接水雲躬耕何意漢庭聞青山自結著英  
社白首猶耽道德文篋有陰符傳令子函分丹詔荷  
明君由來高士俱名世何必麟臺乃策勲

上林春曉圖

漢家三十六離宮彩霞濛濛隱碧空草草裊露華分曉



色花含日影動春風靈池玉館芳菲裏丹水黃山杳  
靄中莫向畫圖誇巨麗 君王樂事萬方同

### 羣龍圖歌

吾聞明盛世帝沼升黃暉眼前安得有雲海神物擾  
擾擎空飛雄姿瑰狀不可以追視恐有風雲座中起  
五采真成芒碭文雙睛似躍延平水神靈變化固莫  
測天地相視忽改色驤首疑嘘霧雨流騰身欲奮波  
濤擲乘雲上下御者誰如驟帝輦游天衢虹光繞翼  
伏華蓋蒼甲浮河開瑞圖嗟羣龍爾何窟瀛海蓬山  
珠宮只闕恍惚變動踏泥躍淵 聖主乘之飛而御

許文穆公集

卷六

廿三

天蒼生望霖颶父振策軒牖冥濛煙霄咫尺披圖如  
對禹門峯那知亦有人中龍恩波似海應同沐嘉會  
自天不易逢却憶春雷蟄初坼多少揚馨還黜額彙  
征已入承明廬妙選仍通列仙籍隆中高卧王佐才  
魚水既合雲生雷莫言葉屋空圖畫會有真龍垂首  
來

瑞蓮歌

巴未泮池蓮花盛開中有並蒂者有重樓者郡侯段公命工圖之勒石紀瑞焉

博士宮前丈五池歲挺紅芳冒碧漪香風時入藹絃  
誦疎雨乍過清窻帷關西夫子來作守政似文翁世  
希有淑氣橫蒸萬疊霞靈根下結千年藕今年花事



果不奇並蒂重樓三兩枝霏紅沓翠高低簇亞葢岐  
莖左右垂宛如雙妃步湘水凌波襪窄玉肩倚又如  
孤標出漢宮承露盤高金掌重五馬臨池再三玩輿  
人侍子俱嘆羨聯翩狎獵各有情疑從玉井峯頭見  
諸生采掇薦壽觴使君色笑登華堂花驕欲共青衿  
語葉舞仍隨皂蓋翔天生瑞物豈無意同心似結芝  
蘭契新都自昔稱多才况復橫經我侯蒞紫陽山高  
齊際天英才輩出理固然山中草木爲開先君不見  
泮池蓮

桃源圖歌得煙字

許文穆公集

卷六

十四

何人掃此桃源川披圖滿紙生蒼烟回溪曲徑通芝  
田青蘿紫卉紛相連石梁流水清且漣萬樹桃花春  
正妍沿流深步擷芳荃回首岩巽何處天仙踪殊境  
方自憐忽覩人家翠微邊遙聞雞犬聲相延爲鷺野  
客來相牽胡麻雞黍仍周旋歸來縹緲孤鴻騫草渚  
沙汀鷗鷺眠度橋復見釣魚船數聲啼鳥垂楊前雲  
渺渺兮水潺潺空澗澗底鳴幽泉此事茫茫已無傳  
誰能脫跡尋仙緣

和賈至早朝

北闕蒼茫動曉鐘五雲遙擁大明宮千官劍履星河



上夾道旌旗煙霧中天近御筵花欲曙日浮仙掌氣  
成虹由來寡和陽春曲鳳沼揮毫思獨雄

雪後早朝追次岑嘉州韻

春色先從禁樹歸玉階仙杖照寒輝重門露合沉巖  
鼓便殿風傳召尚衣浙瀝殘雲沾委佩微茫初旭上  
端闈亦知授簡漸鄒馬幸屬清游於宴稀

入朝口占二絕

涼旭澹鬚眉輕颺送馬蹄聽鐘長樂觀緩轡鳳城西  
金鞭五花驄蹄躑御溝路峩峩漢宮闕隱隱在煙霧

鳴琴玉堂陰

許文穆公集

卷六

十五

綺疏蔭嘉樹絲桐流繁音妙手理明徽高張清素心  
泠泠輕颺逝淡淡孤雲沉塔前雲鶴舞座上猗蘭森  
御溝清其波禁鳥罷其吟引商復激羽聽者慄不禁  
伊昔龍門枝托根河水澗上有霜霰摧下有湍波侵  
寂寞甘棄置歲月一何深美人幸我顧提携玉堂陰  
泮泮瀛洲水峩峩閩苑岑若無鍾期子誰與論幽襟

瀛州亭納涼

談經暑月慚供帳退食幽亭俯芰荷仙署池臺當晝  
爽御溝草樹傍城多泠泠風色生金砌靄靄雲陰  
度玉河况是翠微宮闕近南薰時聽五絃歌



對芳樹

馮欄散幽思卷幔對芳林白晝亭臺蔭青霄雨露深  
飛香臨翰墨流翠上衣襟却憶蘭池曲空傳漢吹音  
還友人楞嚴經

浮生莫非假所假終當歸還君貝葉留令予發深思  
大塊假汝形動如偶發機汝身亦非汝何況身所須  
虛窓梅雪映隱几爐煙微了見給孤園慧毫揚玉暉  
自得妙明心始悟前塵非種種各有還無還非汝誰  
投筌魚已得舍筏川不迷天龍座中護雨花空際飛  
澹然忘持誦與爾常皈依

許文穆公集

卷六

廿六

紀異

元日日食食將半元夕月食既且甚嗟嗟二曜惟天  
之明其行有常而變難識春王履端曰惟正陽日月  
交食于何其臧臧皇皇下土縱金伐鼓仰瞻橫鶩曷有  
寧所謂天蓋高其聽則卑顯之不言陰霧霏霏屋鳴  
者梟梁跳者狐始焉靡臧終孰與圖厥終是圖亦克  
益愆日月之更光復體全嗟嗟乎昊天

長歌行

明明雲間月灼灼園中華月盛及望盈華盛及春和  
良時易蹉跎忽如東逝波逝波不復返太息將如何



折檻行

安昌侯長安令平生於爾何讐憾尙方劍佞臣頭上  
書欲斬且復休咄惜小臣廷辱師侮但恐蔽皇聰寧  
知觸皇怒檻可折志不降願從逢干游地下不願與  
爾同班行

去婦詞

送陳給諫懋脩還嶺南

自嗟貧家女不諳富家故富家工織縑貧家工織素  
疋縑尙如土尺素詎堪御賤妾自薄命棄捐一何遽  
上堂辭尊尊章下堂理裳衣浮雲西北起孔雀東南飛  
傷心白頭嗔淚下不可揮

許文穆公集

卷六

廿七

結交篇

種樹不成陰不如爨下薪結交不得力不如行路人  
路傍共休息欲去還逡巡奈何轉盼間不念平生親  
平居接杯酒自謂雷與陳一朝事相涉化爲越與秦  
緩急固時有所貴相憐振安用空綢繆愧彼伐木聲

塞上曲

居庸關南草秋彫居庸關北胡馬驕胡兒飲馬長城  
窟翻身仰天射雙鵬漢家將士凌秋發萬里揚旌事  
征伐殺氣朝橫絕漢雲軍聲夜撼祈連月墊戰交河  
落日黃大風吹塵沙礫揚后隊宣傳下高闕前軍爭



縛左賢王歸來奏凱未央殿 天子臨朝頻召見爲  
報燕山已勒銘俄聞瀚海猶傳箭男兒有志靖胡沙  
匈奴未滅敢言家胡中晝夜常飛雪塞上風烟不見  
花右挾忘歸左繁弱戍樓夜看毛頭落從來報國誓  
捐軀腰下吳鉤雙電燿誰言老上焚龍庭獨有嫖姚  
畫麟閣

碧雞篇

巖龍洞邊雙碧雞何年失侶但孤棲花潭照影浮煙  
烟竹逕啼春帶雨悽白石青莎留距跡乳泉丹穴淨  
毛衣西池仙鳥堪同使上世靈雛擬共輝顧我徘徊  
許文穆公集 卷六 廿八

題台山雲龍書屋

嶙峋石勢壯神龍五色祥雲擁玉峯天下文明成變  
化原來靈氣此山鍾

謁闕里廟

躡躑來青嶽樞衣謁 素王平生瞻闕里此日見宮  
墻古碣苔堪讀空壇草半荒惟餘手植檜特立意蒼  
蒼

又

從周開大業觀魯見餘風日月懸遺像山川抱闕宮  
登堂絲竹杳窺壁簡編空異代瞻依在千秋俎豆中  
闕里檜

精靈應有托閱歷不知年手澤留先聖膚文鬱左  
旋孤根疑化石老幹欲生煙理亂看前代榮枯豈偶  
然

孔林

猶傳尼阜禱誰謂泰山頹叢有靈著在巢無雜鳥來  
依然築室處想見罷琴哀萬古今長夜玄臺何日開

嶧山

許文穆公集

卷六

廿九

孔林南下訪秦碑側疊玲瓏萬石竒回首重雲看日  
觀泰山登罷嶧山甲

登岱贈州大夫

泰山東道王粉社故鄉人岳嶺九州牧花行五馬春  
官厨分素饌仙路借朱輪遍歷登封地因知畏壘民  
遲賢亭

新八公仙蹟

黃鶴酤仍好青陵瓜正肥設餐臨道曲款客駐驂騑  
十字留仙訣孤亭掩夕暉還同令威去千載一來歸  
靈巖寺

廻合千峯一剎開參差雲樹間樓臺登封路接秦壇



近香火人傳晉室來地擬化城霞作嶂衣留累劫鐵  
生苔巖泉試酌甘如露却憶金盞首重回

鐵袈裟

西來曾表信東國此皈依片鐵留僧舍銖金作佛衣  
草生煙縷細苔蝕土花微已付南能去遺踪果是非

泰山六首

清齋十日謝人群野服翩翩出紫氛手翳瑤華朝岱  
嶽身隨絳節禮元君秦松半化蒼崖石漢草虛傳玉  
檢文欲訪登封何處是夜中光景晝中雲 其一

磴道縈迴入太清長風吹客恣天行即看玉女飄颻

許文穆公集

卷六

三十

下似有蒼龍天矯迎萬壑懸泉爭噴薄千崖飛霧乍

陰晴由來靈境非人世夜半峯頭海日生 其二

湧地千峯列翠屏橫空一嶂敞天庭天門日月懸雙

觀御帳風雲護百靈探策莫教論往事授圖還擬佩

真形他年五嶽浮游遍願乞茲山守石經 其三

岩堯絳闕綵雲垂中有天孫帝女祠總為登封標岱

嶽遂令香火擅明時松間躑躅千年鹿石上琅玕五

色芝絕頂秦碑無一字人傳秘祝到今疑 其四

登封壇上接仙靈洞府高寒石扇扇雲臥衣裳當夏

冷峯懸樓殿入空冥忽看檻外滄溟白不盡尊前齊



魯青此去神霄應咫尺儻從天老問黃庭

其五

東臨日觀倚天風寂聽天雞徹遠空地迥河光低樹  
白夜分海色照巖紅半規吞吐重陰外萬象浮沈元  
氣中倒景漸看成五采銀濤湧處出銀宮

其六

### 故山驛望泰山二首

長安不見日冥冥回首浮雲此驛亭萬古獨留齊魯  
色煙霄一點岱宗青

名山五嶽岱山爲宗草木秦封與漢封惟有盪胃雲好  
在長依北斗挂芙蓉

### 荏山驛

許文穆公集

卷六

卅一

客行長夏倦風沙小憇郵亭卽是家一榻短牆高樹  
裏綠陰冉冉下窓紗

### 謁子房廟有感

羽翼冥鴻不可求商山何事肯從遊誰知挾主能安  
漢自是帷中第一籌

多病年來思辟穀東歸海上卽丹丘赤松有托君休  
問不愛人間萬戶侯

### 長清道中

客子蓐食乘夜涼東方明星行趣裝月懸馬首山蒼  
蒼一山過盡一山出馬蹄柰此山路長



黃花洞

碧霞宮北有仙家石轉松迴鳥道賒縹緲雲端逢玉  
女殷勤洞口進胡麻重來只恐迷前路記取細桃幾  
樹花

黃河阻風

雄風俄動地濁浪莽浮天去國身無繫思鄉意與懸  
亂堤分野色疎樹隔人烟誰謂世途好波濤日復然  
京口阻開

艤舟京口渡不爲石尤風潮汝洲邊樹晨昏江上鐘  
乘桴空自嘆浮海竟誰從舊識金山月隨波到短蓬  
許文穆公集

沙河道中

卷六

廿二

深秋匹馬出郊垆風起霜林木葉驚沙磧斷橋橫水  
渡夕陽古寨野雲平孤城幾處梅花落遠塞頻看去  
鴈鳴遙望 諸陵翠微裏山靈萬古護神京

朝鮮王挽詞四首

以下俱出使朝鮮詩

憶昨軒弓墮攀號萬國同東藩頻涕淚北望灑雲空  
縞素道相屬精誠天與通那知龍蹕遠猶自挽髯從  
入境初聞政停車忽報哀黃麾猶在道 紫詔爲誰  
開雲暗扶桑色天摧屏翰才 宸衷應悼切歸賄  
特恩來

二紀寧荒服三年棘素衣慈闈難再返仙馭竟同歸  
遺澤留冠佩悲風入羽旂所嗟將寵命不及接容  
燁

慰使音仍在酬賓席已空漢江餘夕照邱殿起秋風  
仙氣蓬山近恩暉泉壤通朝宗心未已應逐海潮  
東

世子權署國事贈言二首

署國遵遺命居廬總庶官遙心傾北極令德稱東  
藩肅仗承明詔含悽釋素冠諒茲忠孝盡傳譽滿  
長安

許文穆公集

卷六

卅三

九葉嗣爲王

自康獻至王岷  
九世十二王

瑶函

錫命光貽謀在

忠順保祚以遐昌人望符先得天心壁已當願言殫

問學輔弼任貞良

登太平樓二首

漢江城上太平樓使節東來幾度留窮海盡聞歌

帝力殊方那復動鄉愁捲簾秋色千山入伏檻煙光

萬井浮獨有中宵懷魏闕遙隨北斗望神州

搖落偏驚海國秋西風吹雨一登樓坐中歌舞停高

會檻外溪山負勝遊異地堪裁王粲賦將歸真抱宋

生愁他年尚憶投車處池上盆花伴客幽



迴瀾石

吾助川上有石如屏橫障川東古未有名  
余標之曰迴瀾石

平川迴蜿遙山裏岸轉沙窮翠屏起迴作激潭玉鏡  
開一片芙蓉插秋水芙蓉秋水照晴空雲錦參差圖  
畫中壁立千尋勢不倚衝波逆障何其雄世間之水  
總流東誰當橫潰皆天工君看萬古黃河上片石孤  
懸砥柱峯

蕊秀山

茲山果蕊秀秋色共蒼蒼峰巒有古意草木皆天香  
泉鳴珠珮落石疊錦屏張信美無留戀行行望帝

鄉

許文穆公集

卷六

廿四

玉溜泉

山下小竇懸泉如雨冬夏不竭琤琤玉鳴  
余命之曰玉溜泉

水石淨娟娟殊方有洞天山開一竇小泉散亂珠懸  
味出雲根冷光含露蓋鮮冷泠飄素玉灑灑韻朱絃  
膏澤翳荒谷朝宗委大川柰茲阻窮僻何以效微涓  
漱潤窺丹鑄尋源倚翠巔竹瓢分乳液松鼎起茶煙  
馬上餘幽響瑤琴爲爾傳

太虛樓

飛棟迴欄切紫虛遙天四顧獨躊躇塵埃迴絕涵空  
碧日月低懸在綺疎三島東浮仙子窟五雲西隱帝  
王居平生未解窺寥廓此日憑高一啟予



巾車同魏諫議出平壤城東北並江行登浮碧樓  
雨憩永明寺晚霽觀麒麟窟遂泛舟南下還大同  
館作

我行海國誰與娛賞心賴有山水俱平壤山水更奇  
絕樓臺縹渺江天虛探奇弔古興不盡巾車復出城  
之隅石壁如削江如紆中綵一道凌嶽崖江流忽轉  
石磴高青雲白雲懸兩橋平臺迥絕臨江阜浮碧之  
樓孤岩巉岩巉廻合抱崖石江島前橫破江碧齋背  
微茫露一洲又如彩虹半落江煙秋北崖小閣更隈  
隩沉沉下瞰江水綠微風龍鱗波蹙感玉岸草汀花媚  
許文穆公集 卷六 卅五

幽獨江連山氣何杳冥回看西倚之翠屏牡丹片片  
照江色倒挿琉璃錦障明峯南斜帶永明寺錦障橫  
天落金地門端尙懸高麗詩當時已解中華字山雲  
忽起山雨至咫尺煙霞有靈闕晚晴著屐還登山千  
峯萬峯空翠寒麒麟已去窟空在古石又疊苔痕斑  
聞說東明昔仙去獨控麒麟出煙霧朝天石上留蹄  
泔水沒江潭不知處嗟嗟此事竟荒唐八駿不聞周  
穆王枕中鴻寶徒自秘小山無補淮南亡有酒且傾  
勿復道秋江極目傷秋草與君鳴笳放舸下中流青  
天不動波如掃卻顧回來浮碧樓蒼蒼暮靄沉江島



登風月樓度凌波橋憩愛蓮堂觀荷有作

南國芙蓉花昔賢聊寄意芬芳播海隅臺沼足佳致  
層樓瞰清冷孤榭隱荷菱水上臥長虹空中舉香袂  
凌波弄素影俯檻散幽思殘萼已飄紅疎莖猶疊翠  
杯搖暮霞色衣染秋霜氣澹爾言與忘悠悠心自媚  
盈盈隔笑語采采憶交契落日更登樓風月見光霽  
觀箕子井田有感

蘆門原隰尚縱橫萬古誰知疆理功川澮只今成道  
路空餘禾黍動秋風

弔箕子墓辭

許文穆公集

卷六

卅六

殷太師箕子墓在朝鮮平壤之兎山後二千餘年爲  
明隆慶元年越人許國楚人魏時亮奉使過而弔焉  
辭曰夫子柰何去中土兮塊獨處此選取周既釋而  
訪道兮豈夫子乎忌仇余竊悲夫子之志兮遭殷社  
之旣屋寧爲殷之囚奴兮罔於周乎臣僕吾罪旣當  
髡鉗兮又胡可辱中土之衣冠無寧被髮而裔居兮  
實吾心之所安望首山而侘傺兮義不食周之土彼  
氓固有志兮矧吾曩又爲輔麥秀漸漸兮傷殷故墟  
相九州無尺土兮吾安適歸抱禹範而西陳兮浮遼  
海而東去飄翩翩其不可羈兮晞吾髮兮扶桑之巖



甘海濱之寂寞兮吾不失殷之逋囚生可以與微居  
今歿可以與干遊朝日照吾之衷曲兮滄波洗吾之  
垢辱宋不祀而周爲墟兮夫尚仍殷先王之舊物採  
山薇以爲羞兮酌野泉而酌之靈恍惚其格余兮乘  
白馬之翰如亂曰已矣乎骨則委於平壤兮心寧忘  
夫亳都覓兮歸來逝將從殷先王之所居

恭題

高皇帝御製詩卷後

有序

高皇帝家視六合並天所覆恢恢乎大哉自遐方下  
士稍可與語者盡欲作起而培成之則東國權生  
是已夫東隅縮海而國鮫蜃與隣意其文事或詘  
焉是故異權生以樹風教譬設標命賞射者競趨  
迺今文苑之士彬彬蔚起雲蒸霞爛不減中夏雖  
其遺俗由來者遠要以作新成就則本

高皇帝標表權生之所爲風也史國以使事來得習  
于工曹朴判書忠元權爲判書外氏因出是卷觀  
余史國伏讀 天章嘉權氏之能世守且爲推本

帝意令其國人觀焉作 帝懷四章附于左方

帝懷之子和鳴鏘鏘維珪維璋維東國之光

帝懷之子錫以好音維訓維經維東國之禎

帝懷之子女遊廣陌女珍女綺推子衣食之子稽首



荷 帝之德

帝懷之子匪子女私光天之下至於海隅維風聲是  
樹於時釋思

阻雨同魏諫議坐快哉亭作

朝來大同館阻雨不得發卻上快哉亭與君坐超忽  
對榻寂無言冥心入寥廓官然合元化萬慮此俱歇  
是時雨初霽山雲尚蓬勃須臾漸披卷秀色明可掇  
萬家煙樹開數點江帆沒溪山入襟帶蒼翠上眉髮  
清風吹我襟爽氣切人骨始知四極外不異在軒闥  
自古共霄壤何處分胡越達人悟鵬池小夫營兔窟  
許文穆公集 卷六  
廿八

練光亭晚眺

薄暮驅車江上來練光亭俯大江開長波萬古瀉空  
碧天落銀河抱檻廻平沙浩浩帶煙樹遠翠微茫見  
江嶼江頭亂石舞鯨鯢橫波欲渡江潭去盪如鰲背  
負蓬山側疊江城裊碧灣睥睨百尺掛江樹樓臺倒  
影冲融間輕舟片片疑落葉散亂江風點飛雪何異  
槎浮牛女津還同棹下山陰月落日浮雲江上秋平

壤往事隨東流城南惟有井田在古檀零落空山丘  
俯仰乾坤一揮手日子河甥今在否魚龍博水不成  
橋禾黍遺宮堪酌酒我歌白雲繞坐飛醉拂城闌作  
釣磯投竿忽動滄洲興控鶴終期海嶠歸

快哉亭

危榭俯城隈登臨亦快哉山光低卷幔江色近甞杯  
雲樹千家市煙霄百尺臺更憐迎望處荷芰水亭開  
望月亭

幽亭宜待月宴坐但迎風江雨暮偏急林霜秋未空  
亂帆煙樹裏疊嶂水雲中安得開晴望清樽永夜同

許文穆公集

卷六

廿九

齊山亭

山亭倚空曠四顧與山齊樹色交簷密雲光入戶低

長天飛鳥外歸路夕陽西目極增惆悵蕭蕭征馬嘶

靜觀齋贈朴判書

遠接使朴忠元慶尚道密陽人  
嘉靖辛卯年及第出身仕工曹

判書號  
靜觀齋

閒居散古帙宴坐清道心松風飄然來爲我祛煩襟

凝神觀萬化天地何高深煙霞任舒卷魚鳥隨飛沉

憶前太古月壁上無絃琴庭草含翠色池蓮吐幽馨

候變意自適慮澹境不侵浩然彌宇宙攬之不盈衿

兀兀忽忘我寧知古與今孔顏樂何事君向此中尋



陽原贈李司成

都監官

成均館司成李後白號陽原

陰原禾黍腴陽原禾黍瘠君家陽原上筆耕足朝夕  
若逢問津者慎勿學沮溺

高峯贈奇司藝

都監官

成均館司藝奇大升號高峯

奇峯一何高中有高人宅饑餐峯上雲醉臥峯下石  
君勿阻一隅入魯尋鄒嶧

鶯溪贈李校理

都監官

校書館校理李山海號鶯溪

稽山有鶯池韓山有鶯溪溪上觀鶯群筆底驅虹霓  
何必籠之去平沙任所棲

也足窩贈魚護軍

護軍官

名其所居曰也足窩

許文穆公集

卷六

四十

鷓鴣巢於深林不過一枝吁嗟乎擁離趾中亦可以  
棲遲何必華榭之下文石之隅歸休乎吾居

松溪居士贈權散人

清溪映古松寒翠幾千尺歲暮蒼雲深中有幽人室  
彈琴松風來卷幔溪光入此外復何求長歌望空碧

藕塘贈李司勇

司勇

李成慶以寫字補西班職事今充遠接幕下號藕塘

去年種一藕今年開數花種藕藏汗泥開花照鮮霞  
物性本不染緇塵其奈何寄語塘上人視此塘中荷

竹溪贈柳醫官

醫官

柳珉業儒不成乃學醫技以典醫監僉正隨遠接使而來號竹溪

溪



兩行山路滑僕夫苦霑濕薄采路傍草紉之宛成笠  
疊疊雲葉翻垂垂露華裊巨如仙掌舒密若魚鱗集  
光生眉髮綠色惹煙霞入乍疑青蓮覆不羨翠羽襲  
太古有此製野人素所習何當返初服薜蘿春自緝  
蘭佩芙蓉裳携爾負玉笈

敬吾贈魏給諫

魏諱時亮兵科左給事中同行副使

莊生有微言今者吾喪我我喪吾乃存此理竟誰悟  
有我乃其形徇形我亦物物引我從之紛紛競交逐  
多君識本體闔然日退藏宴坐得心齋神明內含光  
問君何以然聖學一爲要有至中乃虛無欲觀其妙

許文穆公集

卷六

四二

昭回凜帝盟密勿熙天工九官十二牧萬古精神通  
悠然太宇定唐虞亦雲徂方寸納霄垠神遊羲皇初  
本來有面目今乃見真吾余亦抱吾寐賴君時一呼

和曉發簇林溪韻

廻車臨斷岸聯筏度清溪草際露華白沙邊曙色迷  
海明看日近野曠覺天低始識乘桴意如何陋九夷

和沙里院道中韻

使履雖殊域 皇封自一家有天皆雨露何地不桑  
麻風俗淳猶古衣冠雅素華 恩波况漸及滄海浩  
無涯



朝從竹溪遊暮從竹溪宿洗藥臨清溪懸壺傍深竹  
海國近仙鄉海客多禁方蓬萊覓奇草逆旅訪長桑

洪純彥贈洪司譯

司譯院正號東臯正使廳供事

洪子果純彥翰墨能自灑此地富瑰奇如君亦文雅  
青雲失壯年白駒局轅下終當出雞群豈是悠悠者

白元凱贈白司譯

司譯院教授副使西廳供事

上古有才于世稱元與凱元凱亦何人其心諒斯在  
持爾太古心勿爲末習改雖無虞廷舉或以重東海

金海贈金參隨

司果供事東廳參隨官

金子東海人亦解觀海意旭日掛扶桑晴天掃空翠

許文穆公集

卷六

四一

方壺隱鰲首樓臺結層氣常恐颺母來頓使驚濤沸

秦洵贈秦參隨

司譯院判官供事西廳參隨官

秦洵惇朴士十室有忠信我行徧原隰亦欲廣咨問  
爾心能不欺爾名乃克稱自古重有恒豈獨宜將命

邊警萬參戎提兵守十三山因借余行

傳聞胡虜叩雙臺寧遠城頭羽檄催驃騎兵從天上  
落使臣車向日邊來川原晝擁旌旗動風雨宵沉鼓  
角哀屬國此時堪一試漢庭空憶賈生才

雨行從者編草葉以爲笠余綯蘭製茲之典戲有

此作

望蟠松

車輦館前古松樹萬枝低拂蒼煙開露葉垂階接征  
蓋風花灑戶邀吟杯短牆不掩四時色靈根獨抱千  
峯廻停車爲爾一凝望道傍偃蹇憐瓌材

使旋遂至松下復次前韻

昔予遙望意自古今予坐蔭心爲開何年半摧霹靂  
斧旋車一引葡萄杯疎枝錯落翠蓋仄老榦詰屈蒼  
虬廻抱竒竟爾甘棄置嗟嗟負此明堂材



明故光祿大夫柱國少傅兼太子太師吏部尚書建極殿大學士贈太保謚文穆潁陽許公墓誌銘  
少傅新安許公以經術侍

上青宮

上既即位益親近儒碩遂以公充  
經筵日講官先後周旋旃厦者十年

墓誌

而相相十年而以

儲議弗決爭之不能得移疾歸居五  
季以萬曆丙申十月十八日卒于  
里第計聞

上震悼輟一日視朝詔贈太保謚文穆  
加祭十一壇所司營葬官一子中

書舍人

恩禮稱始終焉公弟鴻臚君汶從子中  
書君立綱遵公治命走使奉宮詹  
李學士狀屬余銘其幽余往以職  
事從公後睹記公猷蹟頗詳覽狀  
宛然如其平生也則安忍以不斐  
辭公諱國字維楨潁陽其號系出  
唐睢陽公遠五代時有儒公者避

墓誌

二

地居歛東門因為東門許氏曾祖  
鑑祖汝賢父心護公缺並以公貴  
贈光祿大夫柱國少傅兼太子太  
傅禮部尚書建極殿大學士配皆  
一品夫人心護公少從季父賈以

儒雅聞其割產予弟棄責振貧事  
尤著語在太倉荆石公誌中毋汪



夫人以嘉靖丁亥六月六日生公  
兒時病七日不寤而蘇又戲墮泮  
池得出心護公私竒兒再免于厄  
貴徵也則挈之游毘陵公時十歲  
警敏業傾其同舍生季十八歸試  
新安督學馮公竒其文拔首多士  
而以其名汪嫌于姓也為更今諱

墓誌

三

心護公既輟賈值歲饑疫兼坐割  
產故益貧且病久之喪明賴公授  
徒資行脩為養公又特廉郡倅某  
延公訓其子或懷金謁公言事公  
顏頰盡赤不交一語而走名以是  
益重辛酉舉南畿鄉試第一人報  
至心護公卒踰年汪夫人亦卒公

痛兩尊人劬而不及食其報哀毀甚服除卒業宛陵山寺有兩青鳥飛鳴其前移時乃去僧言此碧雞也相傳唐李翰林自蜀攜來者我明惟舒梓溪狀元一見曰出所藏圖繪示公公爲賦碧鷄篇意頗自負乙丑舉會試第七人選翰林庶吉

墓誌

士日鍵關冥搜逖覽究心經濟之學抒爲詞章閱深典麗館閣稱詩文兼擅所長者罕儼焉隆慶改元授翰林檢討奉

詔賜一品服使朝鮮適國王新薨河城君昞攝郊迎禮公以昞未嗣位不許國人哀懇乃許之成禮而還饋



遺一無所受獨使軺所過覽勝觀  
風間有紀述若皇華集吊箕子謁  
壇君諸作迄今爲其國人所傳誦  
焉辛未春分校禮闈夏使益藩

壬申

今上出閣講學以公兼司經局校書萬  
曆改元自編修陞右春坊右贊善

墓誌

五

時

上日御經幃無問寒燠而公齋心夙夜  
勤恪視儕輩有加比進講儀容周  
慎音節鏗鏘託事獻規曲盡忠款  
上每悚意聽之手書責難陳善大字賜

焉甲戌秋典試武闈丙子秋典順  
天鄉試所收文武士並稱得人頃

之陞司經局洗馬兼修撰預修  
兩朝實錄書成咸蒙叙賚戊寅遷南國  
子祭酒庚辰轉太常寺卿領國子  
祭酒事教士務在長育成就之士  
樂其寬不督而勸已擢詹府事兼  
侍讀學士仍直講幃其秋改協理  
詹府事充

墓誌

六

會典副總裁辛巳陞禮部右侍郎尋  
轉左兼官直講如故癸未春典會  
試夏簡拜禮部尚書兼東閣大學  
士入贊機務尋從

上考卜壽宮晉太子太保直文淵閣予  
之誥命甲申滇南獻俘以決策功  
晉少保直武英殿丙戌一品滿加



少傅兼太子太傅予誥廕公念父  
母厝淺土未葬疏辭誥廕而請卹  
顛歸襄窀穸之事

詔予祭葬命公之仲子代行所辭誥廕  
不許固辭乃許之踰年會典成  
晉吏部尚書仍予誥命公受誥而  
辭官不拜己丑春再典會試時文

墓誌

七

體寢壞公所錄制義粹然一出于  
正諸引用釋老言離經叛道者即  
才藻士咸擯弗收士稍稍懲其陋  
習焉尋以一品再考進今官仍予  
誥廕計居政府九年代祀先師孔  
子者二分獻

南北郊者三  
誥贈三代任子者六其

他以扈

駕閱工應制賜蟒玉銀幣諸恩數率優異不可勝紀公亦感激

上眷知孳孳以獻替爲已任初有摘科場事語侵大臣者公請辯邪正以定國是謂昔之專恣在權貴今乃在下僚昔之淆亂是非在小人今

墓誌

乃在君子又言大臣猶榱桷也宜取其閱歷略其寸朽言官猶江河也宜導之疏通息其風波時以爲名言然自是忌者彌衆數文章詆公公每䟽辯輒自劾免

上特嘉公忠謹數譴言者以留公公言留臣譴言者是速臣之去也則復



力救言者往往得解臨洮之變元  
輔欲俟虜王回巢專力以制火酋  
公憤歎虜助逆則欲並剿以圖大  
創又嘗言戈矛不在敵國而在轂  
下安攘不在兵食而在紀綱其持  
論忼慨引大義皆此類

升儲之議自庚寅元日

墓誌

九

上召見閣臣于毓德宮

擁皇長子膝前命閣臣諦視

諭所以保愛之旨而是冬公以三事進  
規其一

冊立深以不得所請為慙疏留不下  
余乘間請于

上有詔辰年春舉行冊立戒羣臣勿謹

方靜以待

命而主事某之疏上矣時獨公與不  
佞守直度必僨事因相與具公揭  
以進冀有所調護于間

上果不悅遣中使詰余兩人先生輩奈  
何與郎署小臣比公以是不自安  
旬日而上書乞休者五

墓誌

十

上重違公志予告給傳以歸歸攜二三  
耆舊徜徉山水間所至易村醪市  
脯與田夫漁父接席相飲餐置往  
事不啻遺跡然燕居深念未嘗不  
以國事爲憂及聞太倉公請

豫教而俞始一色喜寄聲余相慶猶  
認認慮後事曰吾卜其始矣未卜



其終也則忠臣無己之心哉未幾  
仁聖皇太后升遐哭臨于斗山書院山  
高風烈一再宿中寒以歸遂不起  
公貌溫氣和襟宇冲曠與人處若  
谿若谷靡所不涵納而其中介然  
有以自守方在館局甚為江陵公  
所器重江陵父病朝紳醴禱公獨

墓誌

十一

不往尋以奪情留任衆或露章攻  
之公特削牘箴袖中詣其第密勸  
以行服即見忤終不以其故告人  
也南中司成缺江陵問公願否公  
曰賢關地重司成道尊懼不任耳  
敢云不願既之留雍序當遷者數  
矣而不及公或怪問故公初曰資

宜爾也至再則曰俸宜爾也深厚不伐如此尤敦儉素即既貴鮭菜脫粟瀚衣濯冠無所不可而所識窮乏及所哀憐之交緩急相抵至傾橐振之無恹容居京時每旦出必攜錢以施丐者丐者群集陌上人得受一錢去余嘗謂公此心即

墓誌

十

納溝之思不惻于此云公配汪氏初封恭人以萬曆辛巳卒累贈一品夫人子男四立德庠生娶鮑氏立功中書舍人娶汪氏並汪夫人出先公卒立言聘邵氏立禮聘洪氏側室汪出女四一適吳萬成一適黃采俱國子生一許聘程維寶



子一許聘洪考功文衡子孫男五  
志古志吉志才志文志高孫女三  
汶等以丁酉十二月念八日葬公  
豸山之陽與汪夫人合禮也余曰  
憶公爰立時適當國事鼎革之會  
上疑于任而下競于撓政地滋爲懼府  
公與元輔長洲公爲同年友而太  
倉公與不佞後公一歲入復同氣  
味無異時杓鑿之嫌公以是得一  
意發抒隳肝膽自効謀于庭無遺  
諍而言于

墓誌

十三

上無隱衷使得究其猷爲官徵交宣鹹  
酸互燮轉移扶掖之力

宗社當終賴之而今已矣追惟徃誼潛

馬涕零詎直聚散存亡之感哉銘  
曰歛之東門許為右族台星注精  
是生文穆碧雞兆瑞金馬升華書  
紬緗帙藻潤黃麻造士賢關掄才  
執藪旣廣陶甄兼弘薪槱青宮翠  
幄執筴周旋琢磨績懋䟽淪勞殫  
先學後臣延登鼎軸選愛萬人匪

墓誌

十四

由夢卜參調大七密覲前旒臯襄  
益戒杜斷房謀厥或睢盱毛舉執  
擊國是一明捷翩頓戢狡馬拳虜  
烏合馮陵廟謨一定猖獗斯懲侶  
侶不撓其直如矢推溝軫傷撻市  
抱耻深惟

主器蚤屬元良約厯納牖慮切垂



堂

天聽匪高多言易亂方幸轉圜俄驚反  
汗幾不如舍行矣歸休銷聲息景  
杖屨優游懸車五年溘焉易簣朝  
野摧心風雲失色豸山之下有鬱  
佳城 褒綸愍冊榮與哀并我誌  
其藏勒之貞石形寔名留昭示罔

極

墓誌

十五

賜進士出身資善大夫禮部尚書兼東  
閣大學士知

制誥 經筵 起居注 玉牒總裁雲

中王家屏撰

